

遊龍井記

程端明

余舊讀秦太虛筆記謂元豐二年中秋後一日自吳興過杭還會稽龍井辨才法師以書招其入山出郭日已夕航湖至普甯遇參寥道人相與杖策並湖而行出雷峰度南屏濯足於惠因澗入靈石塢得支徑上風篁嶺憩龍井亭酌泉據石而飲之自普甯凡經佛寺十數寂不聞人聲旁廬舍或燈火隱顯草木深鬱流水激激悲鳴殆非人間也行二鼓至壽聖院謁辨才於潮音堂明日乃遣予讀其辭想其事甚欲一追故步者不記幾年矣乃辛巳歲立春出清輝門經淨慈寺過白蓮院上風篁嶺謁龍祠酌龍井遂至辨才塔飯於月林月林辨才所廬也主僧出道藏輯要

天下名山記
浙江龍井程

畧

軫集二

范文正東坡樂城參寥辨才遺像及坡遺辨才水墨羅漢八軸軸皆二像仁皇飛白四字與南唐草字四紙已而酌泉瀹茗復汲一盃以歸徑旁佛舍多不知名獨白蓮爲近晚不暇入四山多怪石如亂雲如虎豹下眎西湖如盤狹處僅若帶沿路居民眎昔不加密炊烟斷續相望澗泉瀉瀉如故但太虛乃宵征則所不見者怪石與西湖及炊烟耳元豐距今百三十七年矣人事幾變而景物則宛然當時可爲太息辨才結廬今爲廣福寺一山屹然內向故備錄以告來遊者若水若曾若志時東家周叔向俱